

09.03 MARELLA

Tavulin litterar – Chamutschs alvs e la citad eterna

Al Tavulin litterar sa scuntran questa giada Bettina Vital, romanista ed amatura da cudeschs, e Claudia Knapp, dunna da cultura e cuntadina d'ulivas.



En il center da l'emissiun stattan dus cudeschs da duas auturas grischunas che preschantan lur emprims romans. Discussutà vegn sur da «Widerschein» dad Anita Hansemann e «Almas Rom» da Patrizia Parolini. Il roman da début dad Anita Hansemann ans maina en il Partenz, en in mund da ditgas, superstiziuns e da las forzas da la natira. L'autura descriva cun gronda sensibilitad las emoziuns dad abitants ed abitantas. «Almas Rom» è l'istorgia d'ina giuvna che sto bandunar Roma per turnar cun la famiglia en il Puschlav. En il Grischun chatta ella sia via, ma quai che resta è la brama per la citad eterna.

Redacziun: Esther Krättli